

Sejarah Kami

Kumpulan AmBank telah menikmati kejayaan yang agak cemerlang sepanjang tiga dekad yang lalu. Bersama, kami telah membina salah satu daripada institusi kewangan yang terbesar dan terpesat berkembang dalam negara.

Merujuk sejarah awal kami, Arab-Malaysian Development Bank Berhad telah diperbadankan pada 5 Ogos 1975 sebagai usaha sama bersama di antara Malaysian Industrial Development Finance Berhad, dengan pemegang saham 55.0%, Arab Investments for Asia (Kuwait) dengan pemegang saham 33.0%, dan National Commercial Bank (Saudi Arabia) memegang 12.0%.

Kami memulakan operasi pada 1 April 1976, dan pada Disember 1983 mula dikenali sebagai Arab-Malaysian Merchant Bank Berhad, satu nama yang kami dikenali dengan, untuk lebih daripada tiga dekad sehingga penjenamaan semula kami pada 2002. Hari ini, kami telah berkembang menjadi satu Kumpulan dengan tenaga kerja hampir 10,000. Dengan rangkaian ekstensif cawangan, ATM dan perkhidmatan perbankan internet di seluruh negara, kami bangga mengakui bahawa Kumpulan AmBank, sebagai salah satu kumpulan perkhidmatan kewangan terbesar dalam negara, boleh diakses semudah satu 'klik' sahaja.

1976

- Bank memulakan operasi pada 1 April 1976 sebagai usaha sama antara pemegang saham Arab Saudi dan Malaysia.

1977

- Kumpulan memperoleh pemegang saham sebanyak 70.0% dalam Malaysian Industrial Finance Company Limited ("MIFCL"), yang kemudiannya dinamakan semula Arab-Malaysian Finance Berhad ("AMFB").

1980

- AMMB adalah Pengurus Utama Bersama Pinjaman Bertempoh Bersindiket 12-Tahun bernilai USD200.0 juta untuk Kerajaan Malaysia.
- AMMB memulakan langkah penubuhan Malaysian Kuwaiti Investment Company Sdn Bhd, usaha sama antara Perbadanan Nasional Berhad, Kuwait Real Estate Investment Consortium dan Public Institution for Social Security, Kuwait.
- AMMB bertindak sebagai Penasihat kepada Kuwait Real Estate Investment Consortium, Singapura.
- AMFB menjadi institusi pertama sektor swasta di Malaysia yang menerbit bon awam – RM20.0 juta 8.5% Bon Berjamin 1987, disenarai di Bursa Saham Kuala Lumpur ("BSKL") (sekarang Bursa Malaysia). Bon ini, dijamin oleh Bank, menandakan bab baru dalam sejarah pengumpulan dana sektor swasta dalam pasaran modal.

1982

- Y Bhg Tan Sri Dato' Azman Hashim memperoleh 100.0% pegangan saham dalam Kumpulan.
- Kumpulan memperoleh pemegang saham AMFB tertinggal sebanyak 30.0%, menjadikannya syarikat kewangan anak syarikat penuh milik.

1983

- Kumpulan menapakkan syarikat kredit dan pemajakan, Arab-Malaysian Credit Berhad.

1984

- Kumpulan melancarkan syarikat modal usaha niaga pertama di Malaysia untuk menjalankan pelaburan ekuiti swasta – Malaysian Ventures Berhad.
- Kumpulan mengatur kemudahan pemajakan pengumpulan pertama di Malaysia untuk Sistem Televisyen Malaysia Berhad – TV3.

- AMMB melengkapkan kajian Kerajaan bagi penswastaan Jabatan Telekom.
- Pada 1984, Kumpulan memperoleh Arab-Malaysian Insurance Berhad, syarikat insurans am yang dahulunya dikenali sebagai Teguh Insurance Company Sdn Bhd.

1985

- Kumpulan memperoleh Perima Assurance Berhad, sebuah syarikat insurans nyawa. Kedua-dua syarikat insurans nyawa dan am kemudiannya disatukan pada 1987, dan memegang lesen insurans komposit. Nama entiti ditukar ke Arab-Malaysian Eagle Assurance Berhad (sekarang dikenali sebagai AmAssurance Berhad).

1986

- Kumpulan telah memperoleh syarikat pembrokeran saham Kris Securities Sdn Bhd, yang kemudiannya dikenali sebagai AmSecurities Sdn Bhd.
- Kumpulan berpindah ke ibu pejabat korporatnya di Jalan Raja Chulan.
- Pada Disember 1986, Antah Holdings Berhad dan Tokai Bank Limited, Jepun masing-masing memperoleh 20.0% pegangan saham dalam Kumpulan.
- Arab-Malaysian Unit Trusts Berhad dilancarkan untuk menguruskan dana amanah saham.

1987

- Pada 22 Januari 1987, AMMB melancarkan amanah saham yang pertama melabur 90.0% dalam Sekuriti Kerajaan Malaysia, dipanggil Arab-Malaysian Gilts, untuk menyediakan pendapatan dikecualikan cukai kepada pelabur individu di atas dana jangka pendek mereka.
- Pada Julai 1987, AMMB melancarkan program AMIGOS (Arab-Malaysian Individuals' Government Securities) untuk membolehkan pelabur runcit melabur dalam sekuriti kerajaan.
- AMMB menaja penubuhan Malaysia Fund Inc., sebuah syarikat dana pelaburan tertutup yang disenaraikan di Bursa Saham New York, untuk melabur dalam ekuiti syarikat-syarikat Malaysia yang tersenarai di Bursa Saham Kuala Lumpur ("BSKL"). Malaysia Fund berjaya mengumpul dana sebanyak USD87.0 juta.

1988

- AMMB menjadi bank saudagar pertama yang disenaraikan di Bursa Malaysia.
- AMMB dilantik sebagai Penasihat kepada Kerajaan dalam merangka Pelan Induk Penswastaan Nasional.

- AMMB melancarkan dana amanah saham ekuiti yang pertama, digelar Arab-Malaysian First Fund.

1989

- Pada 21 April 1989, Bank bersama dengan Nikko Securities Co. Ltd Tokyo dan International Finance Corporation, Washington melancarkan dana amanah saham dalam mata wang Dolar Amerika, The Malaysia Growth Fund, yang ditujukan kepada pelabur Jepun.
- Pada 28 September 1989, Arab-Malaysian Property Trust menjadi amanah harta tanah pertama yang disenaraikan di Bursa Malaysia.

1990

- Bank dilantik sebagai Penasihat dan Pengurus Penaja Jamin pengapungan Telekom Malaysia Berhad.
- AMFB memperoleh First Malaysia Finance Berhad.

1991

- Pada Julai 1991, Kumpulan memperoleh pegangan ekuiti 49.0% dalam Fraser International Pte Ltd, syarikat pemegang Fraser Securities, Singapura.
- Dengan pelancaran Labuan sebagai pusat kewangan luar pesisir, Bank bersama dengan The Nikko Securities Co Ltd di Jepun, menaja penubuhan Malaysia Fund (Labuan), dana amanah saham luar pesisir pertama di Wilayah Persekutuan Labuan.
- Pengkorporatan AMMB Holdings Berhad bagi menjalankan skim penstrukturan semula korporat. Mengikuti skim penstrukturan semula, AMMB Holdings Berhad menjadi syarikat pegangan Arab-Malaysian Banking Group, dan mengambil alih status penyenaian AMMB.
- Arab-Malaysian Finance Berhad, syarikat kewangan Kumpulan, disenaraikan di Bursa Malaysia.
- Penubuhan AMMB Labuan (L) Ltd untuk menyediakan pengurusan dana luar pesisir.

1992

- AMMB Holdings Berhad memenangi Anugerah Pengurusan Asia untuk Pengurusan Kewangan dari Asian Institute of Management.

1993

- AMMB melancarkan Tabung Ittikal Arab-Malaysian, dana amanah saham Islam yang pertama pada 12 Januari 1993.

- AMMB adalah Pengurus Bersama Terbitan Dragon Bond bernilai USD300.0 juta oleh General Electric Corporation.
- AMMB bertindak sebagai Pengurus dan Pengatur untuk Kemudahan Kredit Bersindiket bernilai RM240.0 juta untuk pembinaan Menara Kuala Lumpur.

1994

- Pada 1 Ogos 1994, Kumpulan menceburi bidang perbankan komersil dengan perolehan operasi Malaysia Security Pacific Asian Bank Limited dari Bank of America (Asia) Limited. Permulaan operasi perbankan komersil adalah di bawah Arab-Malaysian Bank Berhad.

1995

- Pada 1 April 1995, AmInternational (L) Ltd memulakan operasi perbankan luar pesisir di Labuan, sebagai bank saudagar yang pertama menawarkan perkhidmatan perbankan luar pesisir.
- AMMB Futures Sdn Bhd memulakan perniagaan pembrokeran hadapan.

1996

- Laporan Tahunan AMMB Holdings Berhad memenangi 'Anugerah Keseluruhan untuk Laporan Tahunan Paling Cemerlang' untuk enam tahun berturut dari 1991 hingga 1996 di dalam pertandingan NACRA.
- Macquarie Bank Limited, Australia telah memperolehi 30.0% pegangan saham dalam AMMB Futures Sdn. Bhd.
- Macquarie Bank Limited, Australia memperoleh 30.0% pegangan saham dalam AMMB Asset Management Sdn Bhd dan Arab-Malaysian Unit Trust Berhad.
- Kaji Selidik Far Eastern Economic Review tahun 1996 bagi 200 Syarikat Terkemuka Asia telah meletakkan AMMB pada kedudukan teratas dalam kategori keseluruhan "Bertindak Balas Dengan Inovatif Kepada Keperluan Pelanggan" dan yang ketiga dari segi "Kepimpinan Keseluruhan".
- Visa International memberikan Kad Visa AmBank Al-Tasrif "Anugerah Kecemerlangan Ahli 1996 untuk Program Kad Paling Kreatif di Asia".

1997

- AMMB Securities (HK) Limited memulakan operasi pembrokeran saham di Hong Kong.
- Laman web Kumpulan telah dianugerahkan "Laman Web Internet Terbaik Untuk Tahun 1997" oleh Persatuan Industri Komputer Malaysia (PIKOM).

1998

- AMFB memperoleh aset dan liabiliti Abrar Finance Berhad, sejajar dengan rancangan Kerajaan untuk menyatukan industri.
- AMMB menerima 'Anugerah Nasional Derivatif OTC' dari Malaysian Monetary Exchange Berhad.

2000

- CFO Asia memilih laporan tahunan AMMB Holdings Berhad TK 2000 sebagai satu daripada tiga laporan tahunan terbaik di Malaysia.

2001

- AMFB memperoleh MBf Finance Berhad.
- AmBank dan AMFB, bersama dengan Kerajaan Negeri Selangor Darul Ehsan, melancarkan Tabung Perumahan Ehsan,

skim pinjaman perumahan khas untuk golongan pendapatan rendah dalam negeri.

2002

- Penggabungan Arab-Malaysian Finance Berhad dan MBf Finance Berhad, berikutan peletakkan hak aset dan liabiliti AMFB ke dalam MBf Finance Berhad. MBf Finance Berhad menukar namanya kepada AmFinance Berhad. AMFB telah ditukar kepada syarikat pemegang.
- Penjenamaan semula dan penukaran nama "Arab-Malaysian Banking Group" kepada "AmBank Group" dengan warna korporat Kumpulan yang baru iaitu merah membara yang melambangkan kemakmuran dan kekayaan, dan kuning terang yang melambangkan komitmen dan perpaduan sebagai mencerminkan identiti korporat kami yang baru dan bermulanya perubahan ke arah sebuah organisasi yang lebih tertumpu pada pelanggan.

2003

- Bangunan AmFinance, sekarang dikenali sebagai Menara AmBank, dilancarkan secara rasmi oleh bekas Perdana Menteri, Y A Bhg Tun Dr Mahathir Mohamad.

2005

- Penswastaaan AMFB Holdings Berhad diselesaikan.
- AmInvestment Group Berhad (AIGB), operasi perbankan pelaburan Kumpulan, disenaraikan di Bursa Malaysia pada 18 Mei 2005.
- Pada 1 Jun 2005, penyatuan AmBank dan AmFinance dilaksanakan untuk membentuk AmBank (M) Berhad, bank domestik keenam terbesar di negara.

2006

- Pada Januari 2006, AmPrivate Equity, dana ekuiti persendirian, telah dilancarkan.
- Pada 10 Mac 2006, Insurance Australia Group Limited, Australia, memperoleh 30.0% pemegangan saham dalam AmAssurance Berhad.
- Pada 20 April 2006, Am ARA REIT Managers Sdn Bhd telah diperbadankan dengan AIGB memegang 70.0% ekuiti dan ARA Asset Management (Malaysia) Limited 30.0%, untuk mengurus AmFIRST REIT dengan tujuan menyenaraikannya di Bursa Malaysia.
- Pada 1 Jun 2006, AmIslamic Bank memulakan operasi, dengan peletakkan hak aset dan liabiliti Islam AmBank (M) Berhad ke dalam anak syarikat yang berasingan.
- Pada 21 Disember 2006, AmFIRST REIT disenaraikan di Bursa Malaysia.
- AmInvestment Group telah dianugerahkan dengan tujuh anugerah RAM League Awards oleh Rating Agency Malaysia untuk pencapaian cemerlang di dalam pasaran bon domestik.

2007

- Kumpulan AmBank melengkapkan integrasi AmSecurities Sdn Bhd ke dalam AmInvestment Bank pada 3 Mac 2007. AmInvestment Bank mula beroperasi sebagai bank pelaburan serba lengkap dari 5 Mac 2007, menawarkan kedua-dua perkhidmatan perbankan saudagar dan pembrokeran saham.

- Pada 18 Mei 2007, Kumpulan AmBank memperingati kemasukan Kumpulan Perbankan ANZ sebagai rakan kongsi strategik dan juga pelabur utama.
- Pada 19 Jun 2007, AMMB Holdings Berhad mencadangkan penswastaaan AIGB dan terbitan hak sehingga 326,887,241 saham baru, berdasarkan satu (1) saham baru untuk setiap lapan (8) saham biasa sedia ada dan setiap lapan (8) saham keutamaan tukaran dalam syarikat pada harga terbitan sebanyak RM3.40 sesaham.
- Memorandum Persefahaman ("MOU") ditandatangani di antara AmInvestment Bank Berhad dan Woori Investment & Securities Co Ltd, pada 29 November 2007 untuk mempromosikan kepentingan bersama kedua-dua pihak melalui kerjasama dalam perniagaan perbankan pelaburan.

2008

- Menyempurnakan terbitan hak AMMB Holdings Berhad ("AMMB") dan penswastaaan AIGB pada 15 Januari 2008, di mana AIGB secara efektif, menjadi subsidiari milik penuh AMMB.
- Melengkapkan pemindahan Aktiviti Berasaskan Dana daripada AmInvestment Bank kepada AmBank (M) Berhad dan AmIslamic Bank Berhad pada 12 April 2008 sebagai sebahagian daripada penstrukturan semula korporat selepas penswastaaan AIGB.
- Menubuhkan AmG Insurance Berhad untuk memudahcarakan pemisahan perniagaan insurans komposit AmAssurance Berhad menjadi perniagaan insurans am dan hayat.
- Malaysian Ventures Management Incorporated Sdn Bhd ("MVMI"), subsidiari pengurusan dana ekuiti swasta bagi AMMB, memasuki perjanjian usaha sama dengan Konzen Capital Pte Ltd, anggota Konzen Group, untuk menguruskan satu dana berasaskan air di Asia bernilai USD320 juta.
- AmBank dan ANZ memeterai perjanjian perkhidmatan teknikal untuk menubuhkan perniagaan pertukaran asing, kadar faedah dan terbitan komoditi Kumpulan AmBank.
- Pembrokeran Saham Islam (khidmat jendela) dilancarkan dibawah jenama AmIslamic, jenama sejagat bagi produk dan perkhidmatan Islam di semua subsidiari Kumpulan AmBank.
- Pada 9 Disember 2008, Friends Provident plc memperolehi 30.0% kepentingan dalam AmLife Insurance Berhad (dahulu dikenali sebagai AmAssurance Berhad).
- IAG meningkatkan pegangan kepentingan dalam AmG Insurance Berhad kepada 49.0% daripada 30.0% sebelumnya.

2009

- AmIslamic Funds Management Sdn Bhd mendapat lesen untuk pengurusan dana Islam dari Suruhajaya Sekuriti untuk menguruskan instrumen kewangan pesisir serta instrumen kewangan Islam untuk pelabur institusi dan juga pelanggan runcit.
- AmCapital (B) Sdn Bhd dibuka secara rasmi pada 11 Mei 2009, untuk membawa kepakaran dalam pengurusan dana, kewangan Islam serta khidmat nasihat pelaburan kepada Negara Brunei Darussalam.